



分類補註李太白詩卷之八

歌吟

五十三首

秋浦歌十七首

秋浦長似秋蕭條使人愁

齊賢曰唐志武德四年析宣州之秋

浦南陵二縣置池州秋浦士贊曰公阜志秋浦隋縣名唐置池州池陽記曰秋浦帶郡城南連驛道為舟楫之路曹植詩中野何蕭條古詩蕭蕭愁殺人客愁不可度

行上東大樓正西望長安下見江水流

齊賢曰譚

子新論曰人有聞長安之樂則出門西向而笑士贊曰王粲詩回首望長安

寄言

向江水汝意憶儂不遥傳一掬淚為我達揚

州齊賢曰吳人以我為儂士贊曰詩云終朝采綠不盈一掬注云兩手曰掬韻釋在手

日掬亦作掬

其二

秋浦猿夜愁黃山堪白頭清溪非隴水翻作

斷腸流齊賢曰九域志池州貴池縣有清溪鎮浮丘公與黃帝遊黃山駐天都峯

今有浮丘仙壇士贊曰圖經黃山舊名黟山在歙縣西北百二十八里宣州太平縣南三十里高千一百八十八里宣州太平縣南三十里之高宣歙池饒等州並是此山之支脈山

有水源三十六溪其一為浙江之源清溪在池州盛約記云清溪南來九華東引洪流環繞沃野彌望隴水事見一卷愁陽春賦注胡兆秋浦志序曰九華五松清溪秋浦玉鑑之潭水車之嶺成紀白筍之陂太白樂天牧之論文垂釣問山弄水登覽遐躅隱然在人耳

日山川風物

是歸日雨淚下孤舟士贊曰孫綽子曰或問

於野乎將薄遊於朝乎謝眺詩薄遊第從告思閑願罷歸顏延年詩曷為久遊客憂念坐

殷日

其三

其三

其三

其三

其三

其三

其三

秋浦錦駝鳥人間天上稀山雞羞淥水不敢

照毛衣齊賢曰虞衡志南中有一錦鷄一名金鷄形如小鷄項鬃毛金色身紅黃

相間極有文彩目微白湖南北亦有之意錦駝即此類也博物志山雞有美毛自愛其色

終日映水目眩則溺死士贊曰唐書突厥頡

發曰若天上則臣不知人間無有也此形容錦駝鳥之美山

雞之所不如也

其四
兩鬢入秋浦一朝颯已衰猿聲催白髮長短

盡成絲士贊曰左思詩星

星白髮生於鬢垂

其五

秋浦多白猿超騰若冰雪牽引條上兒飲弄

水中月齊賢曰蜀都賦猿狔超騰而競捷士

贊曰吳都賦猿父哀吟猿子長嘯狔

騷然騰踔飛超

其子肌膚若冰雪

其六

愁作秋浦客強看秋浦花山川如剡縣風日

似長沙齊賢曰九域志越州東南二百八

十里剡縣王子猷在山陰雪夜憶戴安道在剡便乘船訪之望門而返世說顧長康從會稽還人問山川之美顧云千巖競秀

萬壑爭流草木蒙籠其上若雲興霧蔚唐潭
州長沙郡治長沙縣盛弘之荊州記曰長沙
西岸有麓山其下有精舍左右林嶺迴環
泉澗傍有礮石每至嚴冬其水不停霜雪

其七

醉上山公馬寒歌窸戚牛空吟白石爛淚滿

黑貂裘

齊賢曰戰國策蘇秦說秦王書十上而說不行黑貂之裘弊黃金百斤盡

士贇曰山簡事見五卷註窸戚歌事見四卷鞠歌行註

其八

秋浦千重嶺水車嶺最奇天傾欲墮石水拂

寄生枝

齊賢曰列子天傾西北漢蔡邕曰欲墮不墮遇王果張衡詩桑末寄生也本根

生兮卉既彫而已毓注根生謂寄生也本草桑上寄生一名寄骨士贇曰秋浦志李元方

嘗刻碑於有待巖謂齊山大泉凡十一而半巖為勝秋浦千重嶺而水車嶺為最奇巖

壁之號十五而有待為大壑之號九而上清為最洞之號十四而潛虬為奇又有洞五日

半巖曰寄隱曰子昭曰妙奉曰翠微翠微特高尤宜登眺則知太白之詩為紀實宋詩人

郭詳正嘗追和秋浦歌亦稱此曰萬丈水車嶺還如九疊屏北風來不斷六月亦生水車

生枝見六卷注

其九

江祖一片石青天掃盡屏題詩留萬古綠字

錦苔生

齊賢曰下云江祖出魚梁即此江祖朝野僉載曰梁庾信至北方曰惟韓山一片石可共語士贇曰劉孝標廣絕交論歷萬古而一遇

其十

千千石楠樹萬萬女貞林山山白鷺滿澗澗

白猿吟君莫向秋浦猿聲碎客心

齊賢曰尸子曰土積

則生梗楠豫章陶隱居云石楠葉如枇杷上林賦豫章女貞張揖曰女貞木葉冬不落士贇曰漢書趙后傳孝成皇帝至思所以萬萬於衆臣

其十一

邏人橫鳥道江祖出魚梁水急客舟疾山花

拂面香

齊賢曰晉羊祜屯襄陽城戍邏之半士贇曰新安郡志自睦州清溪縣界

其十二

水如一匹練此地即平天耐可乘明月看花

上酒船

士贇曰家語顏回望吳門見一匹練孔子曰馬也此用其字壇經曰陳大

仙謂六祖曰若要結塔只願平天不願平地祖云我只平天我不平地

其十三

淶水淨素月月明白鷺飛郎聽採菱女一道

夜歌歸齊賢曰古詩素月流天毛詩白鷺于飛吳都賦或踰淶水而采菱淮南子

歌採菱發陽阿也士贊曰何晏景福殿賦淶水浩浩楚辭涉江採菱發陽阿謝靈運詩採菱調易急江南歌不緩

南歌不緩

其十四

爐火照天地紅星亂紫煙赦郎明月夜歌曲

動寒川齊賢曰此言方士煉丹爐火熾然照曜天地時有紅星紛起於紫煙之中

赦赤赧面愧赤乃叛反猶言愧汝明月之夜
歌曲之聲振動寒川也士贊曰劉向列仙傳贊紫煙成蓋或曰赦郎吳音也歌者助語之辭爐火恐只漁人之火子見以為煉丹之火
是恐非

其十五

白髮三千丈綠愁似箇長不知明鏡裏何處

得秋霜士贊曰此詩帶形泥跡之人多致疑

形容耳觀者當不以文害辭不以辭害意可也第二句云綠愁似箇長意亦可見後聯云

不知明鏡裏何處得秋霜
活活脫脫真作家手段也

其十六

秋浦田舍翁採魚水中宿妻子張白鷗結罝

映深竹齊賢曰宋武帝紀大明中孝武壞高祖所居陰室繇玉燭與羣臣觀之床

頭土障壁上掛葛燈籠麻繩拂侍中衣顛盛

稱帝儉德孝武不荅獨曰田舍翁得此以為

過矣西京雜記閩越王獻高帝白鷗黑鷗各一隻疑其罕見今湖南多有之士贊曰唐書

太宗怒魏徵曰會須殺此田舍翁謂農父也

釋文白鷗形似雉白花紋而尾長班固西都賦曰招白鷗詩肅肅兔置注曰兔網曰置此

乃刺時之詩謂夫妻罔利於水陸之間生意

盡矣寄興深遠觀者留意毋忽

其十七

桃波一步地了了語聲聞閭與山僧別低頭

禮白雲齊賢曰漢食貨志六尺為步士贊曰陶隱居詩山中多白雲

當塗趙炎少府粉圖山水歌

峨眉高出西極天羅浮直與南溟連齊賢曰九域志

循州有博羅山浮海而來博羅山故名廣

州亦云有羅浮山士贊曰峨眉山見前三卷詩註列子西極之國漢書天馬歌天馬來從

西極雲笈七籤羅浮山高三千六百丈洞周迴五百里名朱明耀真之天是蓬萊之一島也堯時洪水浮海而來泊於羅山二山相合

故曰羅浮山即抱朴子葛洪煉丹得道名公處在惠州博羅縣莊子南溟者天池也

繹思揮彩筆驅山走海置眼前蒲堂空翠如

可掃赤城霞氣蒼梧煙齊賢曰孔靈符會稽赤城山色皆赤狀

似雲霞懸溜千仞謂之瀑布天台賦赤城霞起而建標九疑山一名蒼梧山在道州寧遠

南六十里士贊曰雲笈七籤天台赤城山高

一萬八千丈洞周迴五百里名上清玉平之

天即桐柏王真人所理葛玄仙翁煉丹得道

處上應台宿故名天台在台州天台縣記檀

弓舜葬於蒼梧之野傳以為南洞庭瀟湘意

越地今屬廣西梧州蒼梧縣也

渺綿三江七澤情洄沕驚濤洶湧向何處孤

舟一去迷歸年征帆不動亦不旋飄如隨風

落天邊心搖目斷興難盡幾時可到三山巔

齊賢曰禹貢三江既入震澤底定註震澤吳

南大湖名言三江既入致定為震澤子虛賦

楚有七澤毛萇曰逆流而上曰遡洄孔安國

書傳順流而下曰汭士贊曰長沙志洞庭之

水瀆為七百里日月出入其中圖經瀟水去

零陵縣三十步源出九疑山至永興湘水合

湘水在零陵北十五里其源自全來永興瀟

水合二水合流謂之瀟湘者水清深之

名也羅含湘中記瀟水至清深五六丈下見

底了了石子如樛蒲白沙如霜雪赤岸若朝

霞郭璞山海經注巴陵縣有洞庭陂江湘沅

水皆共會巴陵故號三江口也顏延年詩三

湘淪洞庭七澤藹荆牧謝靈運詩水涉盡洄
公潘岳詩幹流隨風飄左傳心摇摇如縣旌
晉王子猷曰興盡而反
三山指海中三神山也
西峰崢嶸噴流泉橫

石蹙水波潺湲東厓含杳蔽輕霧深林雜樹
空芊綿此中冥昧失晝夜隱几寂聽無鳴蟬

上贊曰楚辭下崢嶸而無地又觀流水之潺湲謝靈運詩石橫水分流又石淺水潺湲漢息夫躬傳狂夫鳴諱於東厓芊綿字見一卷註周易註始於冥昧莊子曰隱几而卧長

松之下列羽客對坐不語南昌僊南昌僊人
趙夫子妙年歷落青雲士訟庭無事羅衆賓

杳然如在丹青裏五色粉圖安足珍真僊可

以全吾身齊賢曰天台賦藉萋萋之織草蔭落落之長松又曰仍羽人於丹丘

山海經有羽人之國不死之民梅福為南昌尉後棄官歸壽春王莽專政一朝棄妻子去

九江至今傳以為仙其後有見福於會稽者變姓名為吳市門卒云趙炎為少府故比於

福世說周伯仁嘗道桓茂倫曰嶽嶽歷落可笑人也士贊曰青雲士見二卷注史東方朔

傳宮殿中可以避世全身若待功成拂衣去

武陵桃花笑殺人齊賢曰老子功成名遂身退天之道也左傳叔向拂

衣從之士贊曰謝靈運詩高揖七州外拂衣五湖裏武陵桃源事並見二卷注

永王東巡歌十一首

首按此詩止當十

自養視之長聰敏好學貌陋甚不能
 正視既封領荆州大都督安禄山反
 帝至扶風詔璘即日赴鎮俄又領山
 南江西嶺南黔中四道節度使少府
 監竇昭為副璘至江陵募士得數萬
 補署郎官御史時江淮租賦鉅億萬
 在所山委璘生宮中於事不通曉見
 富且強遂有窺江左意肅宗聞之詔
 璘還觀上皇于蜀璘不從其子襄成
 王陽剛鷲乏謀亦樂亂勸璘取金陵
 即引舟師東下甲士五千趨廣陵以
 顯言取江左也會吳郡採訪使李希

言平牒璘因發怒曰寡人上皇子
 皇帝弟地尊禮絕今希言乃平牒抗
 威落筆署字何耶乃使惟明襲希言
 而令廣琛趨廣陵攻採訪使李成式
 璘至當塗希言已屯丹陽遣將元景
 擢等拒戰不勝降於璘江淮震動明
 年肅宗遣宦者啖廷璘等與成式謀
 招諭之時河南招討判官李錡在廣
 陵有兵千餘廷璘邀錡屯楊子成式
 又遣裴戎以廣陵卒三千戍伊婁
 張旗幟大閱士璘與錡登陴望之有
 懼色廣琛知事不集謂諸將曰與公
 等從王豈欲反邪上皇播遷道路不
 通而諸子無賢於王者如總江淮銳
 兵長駟雍洛大功臣可成今乃不然
 吾等名挂叛逆如後世何眾許諾遂

割臂盟於是惟明奔江寧馮季康奔
 白沙廣琛以兵六千奔廣陵璘使騎
 追躡之廣琛曰我德主故不敢決戰
 逃命歸國耳若逼我且決死追者止
 乃免是夜銑陣江北夜然束葦人執
 二炬影亂水中規者以信告璘軍亦
 舉火應之璘疑王師已濟携兒女及
 麾下遁去遲明覺其給復入城具舟
 楫使傷駟眾趨晉陵謀者告曰王走
 矣成式以兵進先鋒至新豐陵使傷
 仙琦逆擊之銑合勢張左右翼射傷
 中肩軍遂敗仙琦與璘奔鄱陽司馬
 閉城拒璘怒焚城入之收庫兵掠餘
 干將南走嶺外皇甫佺兵追及之戰
 大庾嶺璘中矢被執佺殺之傷為亂
 少所害仙琦逃去璘未敗時上皇下

誥降為庶人徙置房陵及死佺送妻
 子至蜀上皇哀悼久之肅宗以少所
 自鞠不宣其罪謂左右曰皇甫佺執
 吾弟不送之蜀而擅殺之何耶由是
 不復用薛鏐等皆伏誅子儼為餘姚
 王偵莒國公儼邨國公伶儼並國子
 祭酒

永王正月東出師天子遙分龍虎旗樓船一舉
 風波靜江漢翻為鴈鷺池齊賢者唐史元宗

通鑑天寶十五載十月甲子太子即位于靈
 武改元至德丁卯上皇制以璘為山南東道
 嶺南黔中江南四道節度使十一月璘至江
 陵十二月甲辰璘擅引舟師東巡太白時卧

廬山璘迫致之璘敗丹陽太白奔亡至宿松
石林燕語節度使旌節門旗二龍虎旌一節
一麾槍一豹尾二凡八物史記船上建樓曰
樓船漢有樓船將軍士贊曰詩械樓周王于
邁六師及之箋云謂出兵征伐也二千五百
人為師周禮春官司常交龍為旂熊虎為旗
爾雅釋名熊虎為旗將軍所建象其猛如龍
虎也西京記武帝昆明池習水戰中有戈船
樓數百艘此詠永王出師首篇表之以天子
遙分龍虎旗者夫子作春秋書王之意也太
白忠君之心於此可見百世之下未有發明
之者故書于此江漢翻為鴈驚池者但形容
上句鴈驚且安跡於江漢其靜可知而楊子
見乃引吳元濟鵝池為注事非矣今刪去

其二

三川北虜亂如麻四海南奔似永嘉

齊賢曰九域志

鄜州洛郊縣有三川鎮秦武王謂其茂曰寡人欲容車通三川窺周室戰國策三川周室

天下之朝市此洛陽之三川也時祿山據洛陽陷長安北虜即祿山也天文志死人大弟熾

府晉書光熙元年十一月惠帝崩皇大弟熾立是為懷帝明年改元永嘉七月以平東將

軍瑯琊王睿為安東將軍都督揚州江南諸軍事假節鎮建鄴二年劉元海借號於平陽

稱漢四年元海死子嗣弟聰弒和自立五年六月劉曜入京師百官士庶死者三萬餘

人帝蒙塵于平陽七年正月聰大會使帝着青衣行酒侍中庾珉號哭聰惡之帝遂遇弒

自洛陽傾覆豫州刺史閻鼎挾秦王勣自宛趨長安六年九月奉為皇太子承制選置改

元建興懷帝崩問至即位遣劉蜀拜瑯琊王
睿為侍中左丞相大都督陝東諸軍事改建
鄴為建康四年八月劉曜逼京師十一月帝
送牋於曜乘羊車出降蒙塵於平陽五年十
一月聰出獵令帝行車騎將軍戎服執戟為
導百姓觀之故老或獻欬流涕後大會使帝
行酒洗爵反以更衣又使帝執蓋晉臣在坐
者多失聲而泣尚書郎辛賓抱帝慟哭為聰
所害十一月帝遇弒明年三月周問至琅瑯
王即皇帝位士贊曰史秦滅二月周置三川郡
漢武五子贊秦始皇即位三十七年內平六
國外攘四夷死如亂麻暴骨長城之下永
嘉晉懷帝年號時五胡亂華劉聰稱帝於平
陽五年劉曜王彌陷京師懷帝蒙塵於平陽
中原衣冠之族並
南奔避亂於江左

但用東山謝安石為君談

笑盡胡沙

齊賢曰謝安未仕時盤桓東山孝

幽州三燕國諸軍事八年符堅入寇戎卒六
十萬騎二十萬九月至項城安以弟石為大
都督玄為前鋒督與其子謝琰桓伊等將兵
八千分拒之符融克壽陽堅留大軍項城引
輕騎八萬就融遣朱序說石等序私謂石等
曰若百萬眾盡至誠難為敵今乘未集宜速
擊之石等從序言十一月玄遣劉牢之率五
千騎趨洛澗未至十里梁成阻澗待之牢之
直渡擊破之斬成分兵斷其歸路秦步騎赴
淮水死者萬五千秦逼淝水為陣謝玄遣使
謂融曰君懸軍深入而置陣逼水此乃持久
之計若移陣小却使晉兵得渡以決勝負不
亦善乎堅遂麾兵却使晉兵退者不可止玄
等渡水擊之融馳騎率退者馬倒為晉兵所

殺餘兵遂潰玄等追至青岡秦兵大敗自相
踏藉者蔽野塞川其走者聞風聲鶴唳皆以
為晉兵且至晝夜不敢息死者十七八復取
壽春文選詩談笑却秦軍士贊曰謝安高卧
東山事見七卷注漢書謝安傳時符堅率眾百
沙鹵多乏水草晉書謝安傳時符堅率眾百
萬次下淮淝京師震恐加安征討大都督安
夷然無恐色旋命駕出山墅親朋畢集方與
客圍碁賭別墅遂游陟至夜乃還指授將帥
各當其任既而兄子玄等破堅有驛書至安
方對客圍碁看書既竟便攝放床上了無喜
色碁如故客問之徐荅云小兒輩遂以破賊
既罷還內過戶限心喜甚不覺
屐齒之折其矯情鎮物如此

其三

雷鼓嘈嘈喧武昌雲旗獵獵過尋陽

江夏郡有武昌縣周鼓人掌教六鼓四金之
音聲以節聲樂教為鼓而辨其聲用以雷鼓
鼓神祀鄭司農謂雷鼓雷鼗六面昔東海流
波之山有獸其音如雷命之為夔黃帝得之
以作鼓極以雷獸之骨聲聞五百里以威天
下周司常熊虎為旗師都建旗大司馬軍吏
載旗考工記熊旗六旂以象伐則旗初不以
雲為章也而云爾亦猶虹旌霓旌取其高而
已獵獵飛動貌江州尋陽郡武昌至尋陽七
百里士贊曰周禮春官大司樂雷鼗禮
大禮張衡東都賦雲旗拂霓圖經武昌即今
鄂州初吳孫權自公安徙治鄂更名曰武昌
陸機詩殞宮何嘈嘈王文考魯靈光殿賦耳
嘈嘈以失聽埤倉曰嘈嘈眾聲也鮑照詩獵

獵晚風道廬山記江州郡本大
江之北尋水之陽故曰尋陽
秋毫不犯三

吳悅春日遙看五色光
齊賢曰史記項伯入
見沛公公曰吾入關

秋毫不敢有所近晉書溫嶠議遷都豫章三
吳之豪請都會稽余嘗攷之吳王夫差都姑

蘇曰漢高祖紀秋毫無所敢取通監晉穆帝
贊曰漢高祖紀秋毫無所敢取通監晉穆帝

紀慕容恪軍令嚴明秋毫不犯漢高帝紀望
其氣皆為龍成五色史記正義曰京房易兆

曰何以知賢人隱顏師古曰四方常有天雲
五色具而不雨其下賢人隱矣魏文帝詩丹

霞夾明月華星出雲間上
天垂光彩五色一何鮮

其四

龍蟠虎踞帝王州帝子金陵訪古丘
春風試

暖昭陽殿明月還過鳩鵲樓
齊賢曰諸葛亮

阜龍蟠石城虎踞謝玄暉詩金陵帝王州楚
辭帝子降兮北渚西都賦曰昭陽特盛漢書

注鳩鵲觀在雲陽其泉宮外謝玄暉詩金波
麗鳩鵲士贊曰金陵事見七卷上林賦過鳩

鵲望露寒張揖曰昭陽鳩鵲樓殿名皆在長
安此四句詩意是諷永王謂金陵亦古帝都

今為丘墟王其訪此當觸景而思昭陽鳩鵲
之在長安者風月亦無人管領也忝離之悲

藹然見於言外

其五

二帝巡遊俱未迴五陵松柏使人哀諸侯不

救河南地更喜賢王遠道來齊賢曰二帝明皇幸蜀肅宗即位靈武俱未回長安也西都賦南望杜霸北

眺五陵古詩古墓犁為田松栢摧為薪河南

洛陽也時祿山據洛陽士贊曰五陵高祖太

宗高宗中宗睿宗之陵寢也張孟陽詩北望

何壘壘高陵有四五古詩綿綿馬遠道此詩

白欲諷永王為勤王赴難之舉如本傳中所

載廣琛等語是也詩以抒下

情而通諷諭太白有之矣

其六

丹陽北固是吳關畫出樓臺雲水間千巖烽

火連滄海兩岸旌旗繞碧山齊賢曰太平州

今為鎮江府東南六十四里有丹陽鎮潤州

記云回嶺入江懸水峻壁北望海口實為壯

觀因曰北固於此號北固山士贊曰括地志

丹陽郡故在潤州江寧縣東南五里即今鎮

江府圖經丹陽山古雲陽縣也秦時亦言其

地有天子氣始皇鑿北坑以敗其勢截直道

使阿曲故謂之曲阿天寶初號丹陽郡非晉漢

之丹陽也漢丹陽郡治宛陵晉丹陽郡治秣

李集卷八

七

望海樓城中最高處旁視甘露金山如屏障
中盡出信江南之絕致也後改曰連滄觀是
又摘太白詩語而名之太
白之詩信紀實之作也

其七

王出三山按五湖樓船跨海次陪都

齊賢曰禹貢三

江既入震澤底定蓋豫章江為南江岷江為
中江漢江為北江同入彭蠡入于海震澤一
名太湖一名五湖在蘇州吳江縣東應劭曰
船上施樓故為樓船楊州廣陵郡漢之江都
東至泰州九十里泰州東至海百七十里以
近故曰跨海易師左次無咎左傳過信為次
十贊曰圖經三山在元縣西南四十五里
謝玄暉有晚登三山還望京邑詩晉王濬樓

船順流鼓棹徑造三山即此處舊經謂貢湖
遊湖胥湖梅梁湖金鼎湖鄺善長謂長塘湖
上湖高湖與太湖而五虞仲翔云苕湖蠡湖洮
湖瀟湖就太湖而五虞仲翔云太湖之水通
五道謂之五湖建康志序戰艦森森羅虎士
云坐鎮江淮以為陪都

征帆一一引龍駒

齊賢曰禮記虎賁之士
贊曰通監梁徐温曰金陵

形勝戰艦所聚

其八

長風掛席勢難迴海動山傾古月摧

齊賢曰宗慤曰

願乘長風破萬里浪謝靈運詩掛席拾海月
士贊曰陸機詩長風萬里舉海賦掛帆席漢

書董卓傳君看帝子浮江日何似龍驤出峽

來齊賢曰晉咸熙五年吳龍驤將軍王濬下

帝觀藉柯渡海者晉書王濬為益州刺史武

以二十步受二千餘人又畫鷁首怪獸於船首

將軍於是統兵順流鼓棹

徑造三山孫皓遂降於濬

其九士贊合十一篇而觀此篇用事

祖龍浮海不成橋漢武尋陽空射蛟我王樓

艦輕秦漢却似文皇欲渡遼齊賢曰齊地紀

不速神輒鞭之漢元封五年冬行南巡狩登

瀟天柱山自尋陽浮江親射蛟江中獲之舳

水相傳漢武放樓船於此唐高宗上元元年

八月稱天皇而未嘗渡遼乃文皇也士

則上古天皇氏曾渡遼乎博洽者更考之士

贊曰史秦始皇紀今年祖龍死蘇林注曰

柯渡海者按天皇當作文皇蓋高宗稱天皇

未嘗伐遼按唐史太宗文皇帝嘗親征遼東

帝渡遼水身到城下城潰以其地為遼州

其十

帝寵賢王入楚關掃清江漢始應還初從雲

夢開朱邱更取金陵作小山齊賢曰張景陽雜詩朝登魯陽

關注庾仲雍荆州記曰其北有四關魯陽伊

陵府有華容縣雲夢澤在荆南荆州數江夏郡

志西陵縣有雲夢澤永王屯江陵則雲夢言

舍曰邱漢書記諸侯朝天子於天子之所立宅

朱邱謝玄暉詩黃旗映朱邱王逸楚辭序曰

招隱者淮南小山之所作也王贊曰史夏紀

出漢朝宗于海注正義曰括地志云江水源

東流經三峽過荆州與漢水合漢水源梁州

金牛縣東二十八里蟠冢山又雲夢上為治

注引孔安國曰雲夢之澤在江南其中平土

丘水去可為耕作畎畝之治索隱曰按雲與

耳舊註據左傳云昭王寢於雲中又楚子田

於江南之夢則是二澤名各別也韋昭曰雲

夢今為縣屬江夏南郡華容今按地理志云

江夏有雲杜縣是也漢書傳淮南王安為人

好書招致賓客數千人八公之徒咸慕其德

或稱大山或稱小山猶詩有大雅小雅也

其十一

試借君王玉馬鞭指揮戎虜坐瓊筵南風一

掃胡塵靜西入長安到日邊齊賢曰晉明帝

見上洛陽在北江漢在南南風起則胡塵掃
矣晉書只聞人自長安來不聞人自日邊來
士贇曰左傳南風不競楚師敗績晉書明帝
紀帝幼而聰哲元帝所寵異數嘗置膝前屬
長安使來因問帝曰汝謂日與長安孰遠對
曰長安近不聞人從日邊來居然可知也元
帝異之明日宴羣僚又問之對曰舉目則見
失色曰何乃異間者之言乎對曰舉目則見
日不見長安由是益奇之云後人因之謂帝所
為日邊宋蔡寬夫詩話云太白之從永王璘
世頗疑之唐書載其事甚畧亦不為辯其是
否獨其詩自序云半夜水軍來潯陽蒲旌旄
空名適自娛迫脅上樓船從賜五百金棄之
若浮煙辭官不受賞翻謫夜郎天然太白豈
從人為亂者哉蓋其學本出從橫以氣俠自
任當中原擾攘時欲藉之以立奇功耳故其

東巡歌有但用東山謝安石為君談笑靜胡
沙之句至其卒章乃云南風一掃胡塵靜西
入長安到日邊亦可見其志矣大抵才高意
廣如孔北海之徒固未必有成而欲知人料
事尤其所難議者或責以璘之猖獗而欲仰
以立事不能如孔巢父蕭穎士察於未萌斯
亦可矣若其志亦可哀矣

上皇西巡南京歌十首

士贇曰按唐書玄宗紀天

寶十五載六月己亥祿山陷京師七月庚辰次蜀郡八月癸巳皇太子即

皇帝位干靈武十二月丁未上皇天

胡塵輕拂建章臺聖主西巡蜀道來劔壁門

高五千尺石為樓閣九天開

齊賢曰史記樗里子卒葬於渭

南章臺之東曰後百歲是當有天子之宮夾我墓至漢興長樂宮在其東未央宮在其西

武庫正直其墓天寶十四載十一月祿山反十二月陷東京明年陷潼關天子西幸祿山

遂陷京師九天言高出九天之上士贊曰三輔故事建章宮在長安中劔門事見一卷注

其二

九天開出一成都萬戶千門入畫圖草樹雲

山如錦綉秦川得及此間無

齊賢曰天問曰九天之際安放

安屬王逸注東方暉天東南陽天南方赤天西南朱天西成天西北幽天比玄天東北變

天中央鈞天蜀都賦既麗且崇實號成都漢書武帝起建章宮度為千門萬戶士贊曰圖經成都即古之蜀郡唐改為益州揔管府又改益州為蜀郡明皇幸蜀駐蹕成都及還京改蜀郡為成都府西都賦張千門而立萬戶

其三

華陽春樹號新豐行入新都若舊宮柳色未

饒秦地綠花光不減上陽紅

齊賢曰漢州唐為德陽郡德陽

縣去州百五十里鹿頭關在焉唐志至德二載以成都府為南京士贊曰楊雄益州箴云

華陽西極黑水南流今成都治成都華陽兩縣新豐事見三卷注乃漢高帝聖孝養志之

事時肅宗即位於靈武尊明皇為太上皇故
用此事也秦地指長安上陽宮名在長安中
曰上陽一
日上陽
曰上林

其四

誰道君王行路難六龍西幸萬人歡地轉錦

江成渭水天迴玉壘作長安

齊賢曰九域志
笮橋江水亦名

濯錦江俗云以此水濯錦則鮮明蜀都賦包
五壘而為宇劉淵林注玉壘山名前水出焉
在成都在西北士贊曰行路難古樂府名易時
乘六龍以御天以喻天子之六轡也行幸字
義見漢書天迴地轉見一卷注華陽志錦江
橋之水濯錦則鮮明渭水貫長安城中事見

二卷注圖經玉壘山在茂州汶川縣東四里
及永康軍導江縣西也二十里涉地理志渭
出水所

其五

萬國同風共一時錦江何謝曲江池

齊賢曰漢書六

合同風西京雜記武帝於曲江頭大營亭館
以為燕賞之地李肇國史補進士既捷大宴
於曲江亭上士贊曰按劇談錄曲江本秦時
隍州隍即碕字巨依切唐開元中疏鑿為勝
景南即紫雲樓芙蓉苑西即杏園慈恩寺花
卉環列煙水明媚都人遊賞盛於中和上巳
節
石鏡更名天上月後宮親得照娥眉
齊賢曰詩

云螭首蛾眉士贊曰華陽志石鏡在武擔山
山在城北二百步一名武都山蜀記云武都
山精化為女子蜀王納為妃不習水土而死
王遣五丁於武都山擔土為冢故曰武擔今
山有石照表其門焉

其六

濯錦清江萬里流雲帆龍舸下揚州北地雖

誇上林苑南京還有散花樓齊賢曰杜甫宅

橋西百花潭北昔孔明送吳使至此曰萬里
之行自此始因得名江自岷山經成都下三
峽東至揚州揚子縣為揚子江長安有上林
苑成志宣華苑城上有散花樓隋蜀王秀

所立士贊曰劉光祖萬里橋記云孔明於此
送吳使張溫曰此水下至揚州萬里阮籍詩
濯足萬里流南京見題注散花樓
在錦城之上太白別有詩詠之

其七

錦水東流繞錦城星橋北掛象天星齊賢曰

秦相張儀所作以虹橋跨水彩畫相鮮恍若
天外華陽志李冰造七星橋上應七星士贊
曰華陽志蜀郡名錦城蜀記云七星橋蜀太
守李冰造上應七星李膺記一長星橋今名
萬里二真星橋今名安樂三機星橋今名建
昌四夷星橋今名永平五尾星橋今名禪尼
六冲星橋今名升仙四海此中朝聖主峨眉
七曲星橋今名升仙

山下列僊庭

齊賢曰按峨眉眉縣大峨山之顛一名勝峯佛書以為普賢太上

所居常有光相現中峯有普賢閣背倚白匡峯餘十七峯共環之茂真尊者舊庵在峯下

其旁一峯號呼而應孫思邈所往來傳云茂真與孫常相呼而應故以名大峨絕頂有七

寶巖巖下六十里半山間有白水寺寺前雙溪入林數十步合為一溪既出巖竇又散為

寶現溪葉三藏自西域歸過溪見兩石子闕攬得其一今藏黑水寺石上有一目端正透

底溪以此得名曰焯其石常五色光相壬贊曰圖經大峨山中峨山小峨山並在嘉州峨

眉縣南大峨山兩山相對如峨眉山記云其山周匝千里有石龕百一十二大洞十二小

洞二十八南有臺中峨山有葛仙洞小峨山有季仙洞是為三峨

其八

秦開蜀道置金牛漢水元通星漢流天子一

行遺聖跡錦城長作帝王州齊賢曰漢水源出岷冢山東至

漢中為漢水謝玄暉詩曰金陵帝王州士贇曰一行僧也唐史載玄宗狩蜀至成都過此

問橋名左右對曰萬里橋上因嘆曰開元末僧一行謂朕曰更二十年國有難陛下當遠

遊至萬里之外此是也由是駐蹕成都一行識之明皇實之故曰天子與一行遺此聖跡也

其九

水綠天青不起塵風光和暖勝三秦萬國煙

花隨玉輦西來添作錦江春齊賢曰漢元年中

王秦降將乃立章邯為雍王王咸陽以東至河都

廢丘長史欣為塞王王咸陽以東至河都

陽董翳為翟王王上郡都高奴八月漢王還

定三秦丘遲詩輕黃承玉輦士贊曰三秦按

史記注即秦關中地其一岐州雍縣其二桃

林塞在長安東今華州潼關其三秦所置上

郡所謂三秦也楚辭

光風轉蕙泥叢蘭些

其十

劔閣重關蜀北門上皇歸馬若雲屯少帝長

安開紫極雙懸日月照乾坤

齊賢曰劔閣銘

固作鎮是曰劔閣壁立千仞斷道元水經注

曰小劔北去大劔三十里連山絕險飛閣相

通尚書歸馬于華山之陽虞子陽詩雲屯七

萃士陸機從軍行胡馬如雲屯少帝肅宗也

至德元載七月即位於靈武尊元宗曰上皇

天帝二載九月廣平王俶復京師十月復東

京帝至自靈武十二月上皇正此雙懸日月

之意士贊曰曹植表情注乎皇居心存乎紫

極雙懸日月者東漢樂歌重光重輪之意也

易曰懸象著明莫大乎日月俱懸

蕭統文選序曰與日月俱懸

峨眉山月歌

峨眉山月歌

峨眉山人月半輪秋影入平羌江水流夜發清

溪向三峽思君不見下渝州齊賢曰峨眉縣在嘉州峨眉縣

羅目鎮平羌江在嘉州龍遊縣有平羌山資

州清溪縣乾德五年省入內江內江在州東

九十八里資州東至昌州二百二十八里昌

州南至渝州三百里渝州治巴縣水自渝上

合曰內江自渝由戎瀘上蜀曰外江自渝州

明月峽至夔州西陵峽四千餘里巴峽明月峽

巫峽是謂三峽蜀都賦經三峽之崢嶸注巴

東永安縣有高山相對在去可二十丈左右

厓甚高謂之峽古歌曰巴東三峽巫峽長猿

鳴三聲淚沾裳王贊曰圖經平羌江在雅州

巖道縣東北城下嘉州亦號平羌江三峽謂

西峽巫峽歸峽詳見二卷注圖經渝州即今

重慶府
治巴縣

峨眉山月歌送蜀僧晏入中京

我在巴東三峽時西看明月憶峨眉月出峨

眉照滄海與人萬里長相隨黃鶴樓前月華

白此中忽見峨眉山月還送君風吹

西到長安陌長安大道橫九天峨眉山月照

秦川黃金獅子乘高座白玉麈尾談重玄我

似浮雲滯吳越君逢聖主遊丹闕一振高名

滿帝都歸時還弄峨眉月

齊賢曰唐歸州巴

里巴東縣峨眉在三峽之西故曰西看許慎

注淮南子曰九天乃八方中央也自函谷西

至隴底相去千里曰關中亦曰秦川菩薩所

行或見在地或在虛空獅子座上或見在具

多樹下晉書王衍妙善玄言唯談老莊為事

每捉白玉柄麈尾與手同色士贇曰三峽見

前又圖經重慶府巴縣有石壁高四丈有

孔若明月名曰明月峽又有廣德等峽亦謂

之三峽峨眉山滄海黃鶴樓並見前注姚秦

鳩摩羅什譯維摩詰經曰文殊師利言東方

度三十六恒河沙國有世界名須彌相佛號

須彌登王今現在彼佛身長八萬四千由旬

其獅子座高八萬四千由旬嚴飾第一魏文

帝詩西北有浮雲適與飄風會吹我東南行

行行至吳會王褒論及其遇明君遭聖主也

赤壁歌送別

二龍爭戰決雌雄赤壁樓船掃地空烈火張

天照雲海周瑜於此破曹公君去滄江望澄

碧鯨鯢唐突留餘跡一一書來報故人我欲

因之壯心臆齊賢曰二龍孫權曹操史記陳

以效之越曰兩龍方鬪且待之盛弘之荊州

記蒲坂縣公江一百里南岸赤壁周瑜黃蓋

乘大艦破魏武兵於烏林烏林赤壁東西一

在正在今鄂州上流八十里與百人山相對
江邊石皆赤色故號為赤壁磯東坡賦所謂
東望夏口西望武昌非曹公之赤壁也通鑑
建安十三年九月曹操入荊州遺孫權書曰
今治水軍八萬與將軍會獵於吳權遣周
瑜迎擊遇操於赤壁初與交戰公軍防運
船引次江北瑜在南岸部將黃蓋曰操軍
首尾相接可燒而走乃取蒙衝闔艦數十
艘實以油草裹以帷幙先書報操欺以
欲降蓋預備走舸繫大船後時東南風急
帆白諸校使齊聲大呼曰降焉操軍吏皆
營觀望去北軍二里餘蓋放諸船同時發
火烈風猛船往如箭飛埃絕焰燒盡北船
燒岸上營落煙燄張天人馬燒溺死者甚
瑜等率輕銳繼其後雷鼓大進軍遂敗退
引軍從華容道歸劉備與瑜追操至南郡左

傳取鯨鯢而封之晉書刻畫無鹽唐突西施
士贇曰易云龍戰于野史項羽紀項王謂漢
王曰天下匈匈數歲徒以吾兩人耳願與漢
王挑戰決雌雄漢黥布傳宜掃淮南之眾顏
師古云掃者謂盡舉之如掃地之為謝眺詩
迴瞰碧江流左傳誅戮而作京觀謂之封鯨
鯢左傳樂祈曰心
之精爽是謂冤鬼

江夏行

憶昔嬌小姿春心亦自持為言嫁夫婿得免
長相思誰知嫁商賈令人却愁苦自從為夫
妻何曾在鄉土
齊賢曰七發曰陶陽氣蕩春
心招冤曰日目極千里兮傷春

心選古詩上言長相思下言久離別士贊曰齊江朝請淶水曲春心既易蕩春流豈難越古羅敷行東方千餘騎夫婿居上頭蘇武詩生當復來歸死當長相思蔡琰胡笳曰唯我愁苦兮不暫移蘇武詩結髮為夫妻蔡琰胡笳曰無日無夜兮不思我鄉土去年

下揚州相送黃鶴樓眼看帆去遠心逐江水

流只言期一載誰謂歷三秋使妾腸欲斷恨

君情悠悠齊賢曰九域志揚州廣陵郡治江都南至江四十五里鄂州江夏郡

治江夏有黃鶴樓曹子建詩自期三年歸今已歷九春與此意同李少卿詩臨河濯長纓

念子悵悠悠士贊曰圖經黃鶴樓在鄂州謝眺詩大江流日夜客心悲未央詩云一日不

見如三秋兮魏文帝詩念君客遊思斷腸詩云悠悠我心東家西舍同時

發北去南來不逾月未知行李游何方作箇

音書能斷絕適來往南浦欲問西江船正見

當壚女紅粧二八年齊賢曰左傳一介行李辱在寡人楚辭曰子交

手兮東行送美人兮南浦別賦送君南浦傷如之何西江船謂揚州回蜀者漢書使文君

當壚壚乘酒甕處選古詩峨峨紅粉粧宋玉招菟二八侍宿則迺代又曰二八齊容起鄭

舞王逸注二八二列也晉悼公賜魏絳女樂二八言大夫有一列之樂舞賦鄭女出進二

八徐侍皆謂二列非此二八也此二八者以其年十六耳士贊曰孟子踰東家墻越絕書

東家施西家施能字平聲發破讀吳音也豫
 章記南浦亭在廣潤門外往來艤舟之所唐
 已有之史司馬相如傳買一酒舍酤酒而令
 文君當壚韋昭曰壚酒肆也以土為墮邊高
 似鑪漢書注曰買酒處累土為壚以居一種
 酒瓮形如鍛爐謝眺詩坐惜紅粧變一種
 為人妻獨自多悲恸對鏡便垂淚逢人只欲
 啼不如輕薄兒旦暮長相隨悔作商人婦青
 春長別離如今正好同懽樂君去容華誰得
 知齊賢曰沈休文詩長安輕薄兒王贊曰楚
 辭曰青春受謝白日照只江淹詩青春蒲
 江臯又君行在天涯妾身長別離陸機詩曰
 容華一何冶鮑明遠詩容華坐消歇端為誰

辛苦

懷仙歌

一鶴東飛過滄海放心散漫知何在仙人浩
 歌望我來應攀玉樹長相待堯舜之事不足
 驚自餘囂囂直可輕巨鼇莫戴三山去我欲

蓬萊頂上行

齊賢曰甘泉賦翠玉樹之青葱
 曹操曰舜禹之事吾知之矣寧

戚扣牛角歌曰生不逢堯與舜禪此意謂堯
 舜之事亦聖人之所當為不足驚也孟子人
 知之亦囂囂士贊曰東方朔十洲三島記曰
 滄海在北海中地方三千里海四面繞島各

五千里水皆滄色孟子求放心楚詞臨風悅
兮浩歌山海經崑崙之墟北有珠樹及玉樹
玕琪樹列子曰巨鼈戴山事見第一卷賦注
此詩太白瞻顧宗國繫心君玉樹比爵位時
作也一鶴自喻仙比人君玉樹比爵位時肅
宗即位於靈武明皇就遜位時物議有非之
者太白豪俠曠達之士亦曰法堯禪舜自古
有之何足驚怪彼為是囂囂者不知古今直
可輕也末句其拳拳安史之滅宗社之安或
者用我乎身在江海心存魏闕白有之矣

玉真仙人詞

玉真之仙人時往太華峯清晨鳴天鼓颯歛
騰雙龍弄電不輟手行雲本無蹤幾時入少

室王母應相逢

齊賢曰太華山少華山四州之際東

比冀東南豫西南梁西北雍華山十字分之
四隅為四州道書以叩齒為鳴天鼓抱朴子
曰元君者大神仙之人驂駕九龍十二白虎
天下眾仙皆隸焉易曰雷電合而章高唐神
女朝為行雲少室山在河南府大人賦注西
王母狀如人豹尾虎首蓬髮鬖然白首城金
室穴居其中王贊曰玉真仙人詞按唐史太
極元年玉真公主為道士築觀京師以方士
史崇玄為師其全傳曰玉真公主字持盈始
封崇昌縣主俄進號上清玄都大洞三景法
師天寶三載上言曰先帝許妾捨家今仍叨
主第食租賦願去公主號罷邑司歸之王府
玄宗不許又言妾高宗之孫睿宗之女陛下
之女弟於天下不為賤何必名繫主號資湯

沐然後為貴請入數百家之產延千年之命
帝知至意乃許之薨寶應時竊意此詞必公
主出家時時賢皆有詩
以詠其事仙人褒稱也

清溪行 宣城一作宣州清溪

清溪清我心水色異諸水借問新安江見底

何如此 齊賢曰沈休文有新安江水至清淺

春十何駕橋樹百丈見遊鱗桐廬縣新安東

陽二水合東流為浙江王賈曰圖經清溪屬

宣城蓋發源於新安郡新安江者凡水發源於

歙州在隋為新安江自歙來者出黟山自休寧

者出率山自績溪者出太嶂山自婺源者出

浙山自浙江沂休寧 人行明鏡中鳥度屏風

者為灘三百六十 裏 齊賢曰王羲之云每行山陰道 向晚猩猩

啼空悲遠遊子 齊賢曰蜀都賦猩猩似猿人面

能言語夜聞其聲如小兒啼士贇口山海經

猩猩豕身人面左思吳都賦猩猩啼而就擒

楚辭有遠遊篇願輕舉而遠遊選北征賦超

絕跡而遠遊陸機詩遊子眇天末江淹詩黃

雲蔽千里遊 子何時還 訓殷明佐見贈五雲裘歌

我吟謝眺詩上語朔風颯颯吹飛雨謝眺已

沒青山空後來繼之有殷公粉圖珍裘五雲
色曄如晴天散彩虹文章彪炳光陸離應是
素娥玉女之所為輕如松花落金粉濃似苔
錦含碧滋遠山積翠橫海島殘霞飛丹映江
草凝毫採掇花露容幾年功成奪天造齊賢曰謝

眺宅在當塗青山下今隸太平州五雲裘者
五色絢爛如雲故以五雲名之江文通詩中
坐瞰蜿虹揚子大人虎變其文炳也彪虎之
類離騷長余佩之陸離張華詩閨草含碧滋
顏延年詩積翠亦葱蒨王贊曰朔風吹飛雨
謝眺觀朝雨詩之全句也太白之所謂我吟

者吟此詩特添颯颯字耳朝雨詩曰朔風次
飛雨蕭蕭愁殺人魏文帝詩丹霞夾明月華
星出雲間上天垂光彩虹以招指沈休文詩
雲之物楚辭建彩虹以招指沈休文詩標峰
彩虹外又紫燕光陸離素娥玉女仙姬之名
事見前注謝莊月賦云集素娥於後庭曹植
遠遊詩曰仙人翔其隅玉女戲其阿江淹詩
閨草含碧滋列子曰人之巧乃與造化者同
功故人贈我我不違着令山水含清暉頓驚
謝康樂詩興生我衣襟前林壑歛暝色袖上

雲霞收夕霏齊賢曰謝靈運詩山水含清暉

康樂公題石壁精舍詩林壑歛暝色雲霞收
夕霏王贊曰張衡詩美人贈我金錯刀易曰

天且不違况於人乎此言裴群仙長嘆驚此

物千厓萬嶺相縈鬱身騎白鹿行飄飄手翳

紫芝笑披拂相如不足跨鷓鴣王恭鶴髦安

可方瑤臺雪花數千點片片吹落春風香為

君持此凌蒼蒼上朝三十六玉皇下窺夫子不

可及矯首相思空斷腸齊賢曰周義真入龍

而行抱朴子芝赤者如珊瑚黃者如紫金皆

光明洞徹如堅冰西京雜記司馬相如初至

成都以所著鷓鴣裘就市人楊昌貫酒晉書

王恭嘗披鶴髦裘步雪而行孟昶窺見之曰

此真神仙中人離騷云望瑤臺之偃蹇兮見

有娥之佚女淮南子有娥在不周之北長女

簡翟少女建苑姊妹二人在瑤臺上毛詩彼

蒼者天太白送權十一序曰素受簡訣為三

十六帝之外臣王贊曰曹植詩云飄飄隨長

風鮑照詩曰飄飄無定所郭璞詩飄飄戲九

臨路歌

垓四皓歌擘擘紫芝可以療饑莊子孰居無

事而披拂是莊子天之蒼蒼其正色邪蔡琰

胡笳曰天蒼蒼兮上帝無緣三十六玉皇者道

家所謂三十六天帝王也論語曰孰為夫子

大鵬飛兮振八裔中天摧兮力不濟餘風激

兮萬世游扶桑兮掛石袂後人得之傳此仲

屋亡兮誰為出涕

齊賢曰左傳投諸四裔陳球碑遠振南裔阮脩大鵬

贊曰蒼蒼大鵬誕自北溟張景陽詩曰清風激萬代王贊曰說文朋及鵬皆古文鳳字也

鵬鳥象形鳳飛羣鳥從以萬數故以鵬為朋

黨字扶桑見一卷注孔子曰鳳鳥不至河不出圖吾已矣夫楚狂接輿歌而過孔子曰鳳

兮鳳兮何德之衰注者不可諫來者猶可追已而已而今之從政者殆

而此詩太白自嘆之辭也

古意

君為女蘿草妾作兔絲花輕條不自引為逐
春風斜百丈託逐松纏綿成一家誰言會面

易各在青山屋女蘿發馨香兔絲斷人腸枝

枝相糾結葉葉竟飄揚生子不知根因誰共

芬芳中巢雙翡翠上宿紫鴛鴦若識二草心

海潮亦可量齊賢曰爾雅云女蘿施於松栢陸機詩云葛與女蘿施於松栢陸機

詩疏曰在草曰兔絲在木曰松蘿松蘿蔓松

而生枝正青兔絲蔓聯草上其赤如金與松

蘿殊異又長歌行女蘿亦有託呂氏春秋或

謂兔絲無根不屬地苾苾是也抱朴子兔絲

之草下有伏兔之根無此兔則絲不得生於

上然實不屬也古詩曰與君為新婚兔絲附

李集卷八

詩

贈劉琨詩綿綿女蘿施于松標西京雜記茂

陵富人袁廣漢養紫鴛鴦士贇曰淮南子千歲之松下有茯苓上有兔絲諸家之說不同詳見二卷注張載詩纏綿思彌深選古詩各在天一涯古詩馨香盈懷袖路遠莫致之何晏景福殿賦從鳳飄揚神女賦吐芬芳其若蘭阮籍詩婉變有芬芳又言笑吐芬芳又朱華振芬芳左思吳都賦翡翠留巢以重行曹植詩生有孤鴛鴦

山鷓鴣詞

苦竹嶺頭秋月輝苦竹南枝鷓鴣飛嫁得燕山胡鴈婿欲銜我向鴈門歸山雞翟雉來相勸南禽多被北禽欺紫塞嚴霜如劍戟蒼

欲巢難背違我今誓死不能去哀鳴驚叫淚

沾衣

齊賢曰嶺表錄異鷓鴣廳前有白圓點背高有紫赤毛對帝交州異物志鳥象

雌雄名鷓鴣其去懷南不思北徂唐代州鴈門郡治鴈門縣有鴈門塞吳都賦山雞歸飛

而來棲注如雞而黑色樹棲晨鳴今所謂小雞者是驚蜩也合浦有之蜀都賦驚蜩山栖

注所謂山雞雄色斑雌色黑異苑曰南方獻山雞鑿石鏡而舞不止禹貢羽畎夏翟孔安

國注雉也古今注秦築長城土色紫曰紫塞士贇曰陶潛詩秋月揚明輝燕山鴈門並見

前注爾雅山雞一名錦雞南越志鷓鴣山雞也其色鮮明五色炫曜紫塞見一卷注書蒼

梧之野在今梧州蒼梧縣詩云鴻鴈于飛哀鳴嗷嗷謝玄暉詩鄉淚盡沾衣古詩下淚沾

裳衣魏文帝詩不
覺淚下沾衣裳

歷陽壯士勤將軍名思齊歌

歷陽壯士勤將軍神力出於百夫則天
太后召見竒之授游擊將軍賜錦袍玉
帶朝野榮之拜橫南將軍大臣慕義結
十友即燕公張說館陶公郭元振為首
余壯之遂作詩

太古歷陽郡化為洪川在江山猶鬱盤龍虎

秘光彩蓄洩數千載風雲何霍霽特生勤將

軍神力百夫倍

齊賢曰辨命論云歷陽之都
化為魚鼈歷陽漢九江郡之

縣都尉治所唐為和州歷陽郡有一老嫗常
行仁義兩書生過之謂曰此國當沒為湖嫗
視東城門有血便走上山勿反顧自此嫗數
往視門吏問知之殺雞有血塗門嫗往視門
有血即走上山國沒為湖

草書歌行

少年上人號懷素草書天下稱獨步墨池飛
出北溟魚筆鋒殺盡中山兔八月九月天氣

涼酒徒詞客滿高堂
牋麻素絹排數廂
宣州石硯墨色光
吾師醉後倚繩床
須臾掃盡數千張
飄風驟雨驚颯颯
落花飛雪何茫茫
起來向壁不停手
一行數字大如斗
怳怳如聞神鬼驚
時時只見龍蛇走
左盤右蹙如驚電
狀同楚漢相攻戰
湖南七郡凡幾家
家家屏障書題徧
王逸少張伯英
古來幾許浪得名
張顛老死不足數
我師此義不師古
古來萬

事貴天生何必要公孫大娘渾脫舞齊賢曰

長沙僖懷素自言得草聖三昧周越法書苑顏魯公與懷素同學草書於鄔兵曹或問張長史見公孫大娘舞劍始得低昂回翔之狀兵曹有之乎懷素以古錢脚對魯公曰何如屋漏痕魯公復問師何所得曰觀夏雲奇峯反壁拆路當師之晉書江東獨步玉文度九域志會稽有王右軍墨池莊子北溟有魚其名爲鯤史記曰酈生曰吾高陽酒徒也書斷表昂云韋誕字仲將服膺於張伯英兼邯鄲淳之法其字如龍拏虎踞劔拔弩張晉王羲之字逸少三十七書黃庭經說空中有語卿書感我而况人乎吾是天台丈人張芝字伯英性好書凡家之衣帛皆書而後練草仲將云崔氏之肉張氏之骨其草草急就草字皆

一筆而成國史補張旭書得筆法傳崔邈顏
真卿旭言始吾聞公主擔夫爭路而得筆法
之章後見公孫氏舞劍器而得其神飲酒輒
草書揮筆大呼以頭搵水墨中天下呼為張
顛醒後自視以為神異幽閑鼓吹云旭為常
熟尉上後旬日有老父過狀判去不數日復
至怒曰敢以閑事擾公門老父曰某實非
論事但暗公筆跡為妙貴為箴笥之珍耳長
史異之因詰其書老父愛書兼有著述長史
取視之信天下工書者自是備得筆法之妙
又曰長沙僧懷素好草書自言草聖三昧棄
筆堆積埋山下號筆冢唐五行志長孫無忌
以烏羊毛為渾脫氈帽人効之謂之趙公渾
脫士贊曰按懷素草書歌先儒謂非大白之
作予謂勤將軍歌亦他人者就
釐而置之卷尾不復增註云

和盧侍御通塘曲

君誇通塘好通塘勝耶溪通塘在何處遠在
尋陽西青蘿娟娟掛煙樹白鷗處處聚沙堤
石門中斷平湖出百丈金潭照雲日何處滄
浪垂釣翁鼓棹漁歌趣非一相逢不相識出
沒繞通塘浦邊清水明素足別有浣沙吳女
郎行盡綠潭潭轉幽疑是武陵春碧流秦人
雞犬桃花裏將比通塘渠見羞通塘不忍別

十去九遲回偶逢佳境心已醉忽有一鳥從

天來月出青山送行子四邊苦竹秋聲起長

吟白雪望星河雙垂兩足揚素波梁鴻德耀

會稽日寧知此中樂事多齊賢曰九域志耶

陽郡吳都賦娟娟素女西京雜記閩王獻高

帝白鵬黑鵬各一隻臨海記白石山有金潭

金光煥然江淹詩金潭常澄澈楚辭漁父莞

爾而笑鼓柑而去乃歌曰滄浪之水清兮可

以濯我纓會稽記縣東六里有西施浣紗石

後漢書梁鴻扶風人同縣孟氏有女肥醜而

黑擇對不嫁鴻聞聘之及嫁推髻布衣操作

而前鴻喜曰此真梁鴻妻字之曰德耀孟光

以作五噫之歌懼而適吳依大家臯伯通廡

下為入賃春每歸妻為具食舉按齊眉通異

之舍於家謝靈運鄴中詩序良辰美景賞心

樂事四者難并士贊曰陶潛詩今復在何處

謝靈運詩雲日相輝映江淹詩欲去復不忍

晉顧愷之曰漸入佳境莊子曰列子見壺子

而心醉王褒聖德頌註曰商歌秋聲也漢武

帝辭擊桂棹兮揚素波武陵桃花源及陽春

白雪事

並見前

分類補註李太白詩卷之八

國

